

¡BOMBA!

Boxeador de filigrana,
de técnica ante el más fuerte;
campeón que ante la muerte
confirmó: nadie le gana.



K'uintsil

Edición de fin de semana, del viernes 17 al domingo 19 de abril de 2026
CAMPECHE · YUCATÁN · QUINTANA ROO · AÑO 11 · NÚMERO 2705 · www.lajornadamaya.mx

K'AN PÉEPEN,

KU YE'ESIK UTS YANIK KUXTAL TU'UX KU YANTAL

Leti'e' mejen ba'alche'ob p'isik wa uts yanik lu'um yéetel k'áax tu'ux ku yantal, tumen wa ku yila'ale', ku yojéelta'al uts yéetel ma'alob u péek ba'alche'ob k'i'itbesik u ta'anil jejeláasil xiiwo'ob. Beyxan ku jats'utskiinsik kaajo'ob yéetel bejo'ob tu'ux ku yila'al. U k'aaba'e' k'an péepen.

U scientiifikoil k'aaba'e' Eurema Nise, méek'a'an tumen u baatsil Pieridae. Juntuul péepen suuka'an u péek bul k'iin, ts'ooke' ojéela'an leti' yóok'olal u k'an boonil, yéetel u chi' u xii'k'oobe' láaj boox.

"K'an péepene', chichan. Kéen u xit u xii'k'e' ku p'isik ichil 3.8 tak 5.1 cms., kaja'an tu'ux yaan ya'abach k'áax", tu tsolaj máax beetik u k'a'aytajilo'ob u múuch'kabil "Desarrollo y Medio Ambiente", A.C., Jaqueline May Díaz.

Tu tsikbaltaje', u xiibil péepene' chíika'an tu táanil xii'k' u formail "u pool peek", ka'alikil le yano'ob paachile' maas piim u booxil u jáalikilo'ob; u xch'uupil ba'alche'ile' ku ye'esik tu puuntail u táanil xii'k'oobe' de

boox yéetel ti' le yano'ob paachile', yaan u bek'echil boox tu jáalikilo'ob.

Kaja'an tu jáal nukuch k'áax yéetel tu'ux yaan suuk. "Yaan ku yila'al Argentinai', ba'ale' k'ucha'ak tak tu noojolil Estados Unidos, beyxan Área de Protección de Flora y Fauna "Laguna de Términos", tu lu'umli Kaanpech".

Jbiólogo Fermín Chaidez Ochoa ku ya'alik k'an péepene' ku jaantik xiiwo'ob. U mejenile' ku jaantik ba'alo'ob je'el bix aak'o'ob, ka'alikil u nojochilo'obe' ku ts'u'uts'ik u kaabil nikte'ob".



DE LA REDACCIÓN
OOCHEL JOHN ROSFORD